

佛所說皆大歡喜信受奉行

佛說大威德金輪佛頂熾盛光如來消除一切災難陀羅尼經

九曜真言曰

曩謨三滿多沒馱喃唵引摩訶戍尾野莎訶

曩謨三滿多沒馱喃唵引印捺囉野娑訶

曩謨三滿多沒馱喃唵引縛嚕拏野娑縛訶

曩謨三滿多沒馱喃唵引阿乞曩曳娑縛訶

曩謨三滿多沒馱喃唵引鉢囉替曳娑縛訶

曩謨三滿多沒馱喃唵引囉戶曩阿素囉囉

惹野吽娑縛合二賀囉

曩謨三滿多沒馱喃唵引縛囉合二計都諾乞

察怛囉合二囉惹野吽娑縛訶計都

曩謨三滿多沒馱喃唵引阿你底也娑縛訶

曩謨三滿多沒馱喃唵引蘇摩野娑縛訶

佛說熾盛光大威德消灾吉祥陀羅尼經序十五

越溪沙門性澄述

夫能仁之爲教也所契者道所體者神統法界而有爲窮三世而不息無乎不在故天爲覆地爲載日月星辰爲照臨羣生品物爲吉

凶消長感而遂通故凶可以避吉可以趨天地日月星辰萬物各可以使其至於當者皆斯經之宗用也其消禳災難導致禎祥方軌壇儀要制期限粲然靡所不載足以上福

邦家下祐民庶即近而達遠即事而顯真誠博要之道歟爰自不空傳譯歷代寶之依法誦持衆機蒙益可無訓釋以裨流通維昔雲間鑑師雖嘗疏解繁略未馴輒不自揆採撫山家諸祖格言刪補治定庶或少補于將來時至治二年龍集壬戌奉詔赴都乘驛淮河

中秋日叙

佛說熾盛光大威德消災吉祥陀羅尼經

唐特進試鴻臚卿三藏沙門大廣智不空奉 詔譯

爾時釋迦牟尼佛在淨居天宮告諸宿曜遊空天衆九執大天及二十八宿十二宮神一切聖衆我今說過去娑羅王如來所說熾盛

光大威德陀羅尼除災難法若有國王及諸大臣所居之處及諸國界或被五星陵逼羅睺孛妖星照臨所屬本命宮宿及諸星位或臨帝座於國於家及分野處陵逼之時或退或進作諸障難者但於清淨處置立道場念此陀羅尼一百八遍之一或一千遍十六若一日二日三日乃至七日依法修飾壇場至心受持讀誦一切災難皆悉消滅不能為害若太白火星入於南斗於國於家及分野處作諸障難者於一念怒像前畫彼設都嚕形厲聲念

此陀羅尼加持其災即除移於不順王命悖逆人身上受者即說陀羅尼曰
曩謨三滿路一沒默喃二上聲阿鉢囉合二底丁
切賀多舍四娑上聲娜喃五上聲怛姪他六庵七引
佉佉八佉四上聲佉佉九上聲吽吽十短呼入縛合二囉
十入縛囉二鉢囉合二入縛合二攤三鉢囉入縛
囉四底瑟姤合二底瑟姤合二瑟致合二哩七
瑟致合二哩八薩普合二吒九薩普合二吒十扇底
迦二十室哩合二曳二十娑縛合二賀三十
此陀羅尼一切如來同共宣說若有苾芻苾

芻尼族姓男族姓女受持讀誦此陀羅尼者
能成就八萬種吉祥事能除滅八萬種不吉
祥事若有國王大臣及諸眷屬一切庶民或
被五星羅睺計都彗孛妖恠惡星陵逼帝座
於國於家及分野處所屬宮宿災難競起或
鎮星陵逼或進或退及宿世冤家欲相謀害
諸惡橫事口舌厭禱呪詛以爲災難者令諸
衆生依法受持一切災難悉皆消滅不能爲
害變災爲福皆得吉祥我今說此陀羅尼不
阿思議功德無比祕密受持勿妄宣傳爾持

如來告諸四衆若有國界不安災難並起請
清淨衆如法建立道場安置佛像結界護持
香華燈燭隨分供養令諸有情獲福無量其
災即除爾時如來說是陀羅尼經已時曼殊
室利菩薩摩訶薩及諸聲聞四衆遊空大天
及諸星辰一切聖衆咸依佛勅頂禮奉持各
還本宮及天龍八部一切大衆聞佛所說皆
大歡喜信受奉行

佛說熾盛光大威德消災吉祥陀羅尼經

